



АКАФИСТ

Архангелү
Миханлү



Тропарь и кондак Архангелу Михаилу.

Тропарь, глас 4.

Небесных воинств Архистратиге,/ молим тя присно
мы, недостойнии,/ да твоими молитвами оградіши нас/
кровом крил невещественных твоея славы,/ сохраняя
нас припадающих прилежно и вопиющих:/ от бед из-
бави нас,// яко чиновачальник вышних сил.

Кондак, глас 2.

Архистратиге Божий,/ служителю Божественных
славы,/ Ангелов начальниче и человек наставниче,/
полезное нам проси и велию милость,// яко безплотных
Архистратиг.





АКАФИСТ

святому Архангелу Михаилу

Кондак 1.

Избранный Небесных Сил воеводо и рода
человеческаго заступниче, сие тебе, иже тобою от
скорбных избавляеми, благодарственное приносим
пение; ты же, яко предстоиши Престолу Царя Славы,
от всяких нас бед свободай, да с верою и любовию
в похвалу тебе зовем:


**Радуйся, Михайле, великий Архистратиге, со
всеми Небесными Силами.**

Икос 1.

Яко ангельских огнезрачных ликов предстателя,
ангельскими убо и языки подобаше восхвалити
тя, Михайле; но дондеже вразумляеми тобою
навикнем безплотных глаголом, услыши, аще и от
человеческих, обаче благодарных устен, сицевая:

Радуйся, звездó мира первообразная; радуйся,
свеще истины и правды златозарная.

Радуйся, лучей света несозданнаго первый во ан-





гельских ликостояниях приёмниче; радуйся, Ангелов начальниче.

Радуйся, в нем же наивящше светлеется слава Творческаия Десницы; радуйся, имже красуются соборы всех существ безплотных.

Радуйся, Михайле, великий Архистратиге, со всеми Небесными Силами.

Кондак 2.

Провидяще веры очесы величие духовных красот и силу молниеносных десниц твоих, Архангеле Божий, мы, яко земнии и плотию обложени, удивлением, радостию и благодарением ко Творцу всяческих исполняемся, зовуще со всеми Небесными Силами: **Аллилуиа.**

Икос 2.

Разум чист и свободен от страстей испроси нам, пречудный Михайле, Небесных чинов начальниче, да, вознесшися мыслию от земных к Небесным, хвалебную песнь воспоем ти сие:

Радуйся, Божия неизреченных красот и доброт ближайший зрителю; радуйся, всеблагих советов Пресвятыя Троицы преискренний тайнниче.

Радуйся, превечных судеб Троических верный исполнитель; радуйся, емуже с любовью удивляются Небесная воинства.





Ра́дуйся, егѡже с вѣрою прославляю́т земно́род-
нии; ра́дуйся, егѡже трепещу́т а́дския си́лы.

**Ра́дуйся, Михаи́ле, вели́кий Архистрати́же, со
все́ми Небе́сными Си́лами.**

Кондак 3.


Си́лу необори́мая ре́вности по сла́ве Бо́жией
в себѣ явля́я, стал еси́ во главѣ́ ли́ков а́нгельских,
Михаи́ле, проти́ву ды́шащаго злѡбою́ прегѡрдаго
Денни́цы, ему́же со те́мными клеверѣ́ты егѡ́ с высоты́
небе́сныя в преиспо́днюю низве́ржену́ сущу́, вои́нства
Небе́сная, тобо́ю пресла́вне води́мая, с весѣ́лием, я́ко
еди́ными усты́, пред Престо́лом Бо́жиим возгласи́ша:
Аллилу́иа.

Икос 3.

И́мать тебѣ́, Арха́нгеле Михаи́ле, весь род христи-
а́нский вели́ка засту́пника и дѣ́вна во бра́нех с про-
ти́вными помо́щника; сегѡ́ ра́ди пречу́днаго покрѡ́ва
твоегѡ́ сподо́битися жела́юще, в день торже́ства тво-
егѡ́ взыва́ем ти си́це:

Ра́дуйся, и́мже сатана́, я́ко мо́лния, с небесе́
низве́ржесея; ра́дуйся, и́мже храни́мый род
челове́ческий к небеси́ восхо́дит.

Ра́дуйся, все́свѣтлаго́ мира Го́рняго предѣ́вное
украше́ние; ра́дуйся, па́дшаго ми́ра до́льняго
пресла́вное заступле́ние.





Ра́дуйся, николи́же си́лами зла побеждѣнный;
ра́дуйся, со всіми А́нгелы Бóжиими в ѳистине и
п्रा́вде на вѣки благодатию Бóжиею утверждѣн-
ный.

**Ра́дуйся, Михаі́ле, вели́кий Архистрати́же, со
всі́ми Небѣ́сными Си́лами.**

Кондак 4.

Бу́ри искуше́ний и бед изба́ви нас, А́нгелов
первопресто́льниче, с любóвию и ра́достью прес-
вѣтлое торже́ство твоѣ соверша́ющих; ты бо еси́ в
беда́х вели́кий помо́щник и в час сме́рти от злых
духо́в храні́тель и засту́пник всех, вопи́ющих твоemú
и на́шему Влады́це и Бо́гу: Аллилу́иа.

Икос 4.

Ві́дяще твоѣ проти́ву по́лчищ сатани́нских дерз-
нове́ние, вси чи́нове а́нгельстии с ра́достью подви-
го́шася во след тебѣ на брань за і́мя и сла́ву своего́
Влады́ки, вопи́юще: кто я́ко Бог? Мы же, ве́дуще са-
тану́ под нога́ма твои́ма повер́жена, тебѣ, я́ко побе-
дите́лю, зове́м:

Ра́дуйся, і́мже мир и тишина́ на небеси́
водвори́шася; ра́дуйся, от него́же ду́хове зло́бы
да́же до а́да низложи́шася.

Ра́дуйся, а́нгельския во́инства и си́лы ми́ра





невидимаго ко истреблѣнію зла направляяй;
ра́дуйся, прю и возмуще́ние стихій міра
вѣдимаго незрѣмо укрощаяй.

Ра́дуйся, подьѣмлющих брань к духовом злѣбы
поднебѣсным дѣвнѣй спобѣрнице; ра́дуйся, из-
немогающих во искуше́ниях и напастех вѣка сего
крѣпкій помѣщнице.

**Ра́дуйся, Михаѣле, вели́кий Архистрати́же, со
всѣми Небѣсными Сѣлами.**

Кондак 5.

Боготѣчный исто́чник превели́ких чудѣс явилъся
есѣ во хра́ме твоѣм, ѣже в Хо́нех; не то́чию бо змѣй
вели́кий и стра́шный, на мѣсте том пребывавый,
сѣлою твоѣю потребѣся, но и струѣй воднѣя, всякий
недѣг телѣсный врачующия, открѣшася, да вси про-
славляюще́му тя Владѣще А́нгелов с вѣрою зовѣтъ:
Аллилуѣа.

Икос 5.

Слѣшашче и вѣдуще тя ѣко свети́ло вели́кое, по-
средѣ ли́ков а́нгельских блиста́ющася, пречѣднѣй
Михаѣле, к тебѣ, по Бѣзе и Пресвятѣй Ма́тери Бѣжи-
ей, прибега́ем — озарѣ луча́ми свѣта твоего́ всех нас,
вопиющих ти сѣще:

Ра́дуйся, вождѣю и хранѣтелю в пусты́ни наро́да





богоизбраннаго; радуйся, высокій посредниче закона, рукою Моисея на Синаи даннаго.

Радуйся, у негоже судий и вожди Израилевы силу и покров обретаху; радуйся, чрез негоже пророцы и первосвященницы иудейстии дар ведения от Всеведущаго Бога приимаху.

Радуйся, богобоязненные законодавцы тайною премудростию снабдевая; радуйся, суд и правду творящим благодать на сердце полагая.

Радуйся, Михайле, великий Архистратиге, со всеми Небесными Силами.

Кондак 6.

Провозвестника тя Божиих судеб егда узре некогда Маное, недоумения и страха исполнися, мне не жити ктому на земли; научен же от жены своея о благодати явления и кротости словес твоих, в радости о имевшем родиться, по словеси твоему, сыне своем Сампсоне, благодарне возопи Богу: **Аллилуиа.**

Икос 6.

Воссиял еси пречудно славою, Михайле, егда во образе человечесте пред Иисусом Навином стал еси, глаголя: «Иззуй сапог с ногу твоею, аз есмь Архистратиг Силы Господни». Таковому явлению твоему чудящися, с любовью вопием ти:

Радуйся, боговенчанных глав неусыпный





охранителю; радуйся, противляющихся власти, яко Божію повелѣнію противящихся, скорый низложителю.

Радуйся, усмирителю народных треволнѣній; радуйся, незримый упразднителю злочестивых обычаев.

Радуйся, яко ты просвѣщаеши сумнящихся в час люотых недоумѣній; радуйся, яко ты исхищаеши искушаемых от пагубоносных наваждѣній.


Радуйся, Михайле, великий Архистратіже, со всіми Небесными Силами.

Кондак 7.

Хотяй Владыка всяческих показати, яко жребии сыновъ человеческих не самослучайнии суть, но в Деснице Его вѣну содержатся, даде ты царствамъ земнымъ заступника и хранителя, да племена и народы к вѣчному Царствию Божію уготовляеши; сего ради вси, ведущи о велицемъ служеніи твоѣмъ спасенію человеческому, благодарне зовутъ Богу: **Аллилуиа.**

Икос 7.

Новая чудеса показана намъ, Архистратіже, тобою на земли всехъ чудесъ Творецъ и Владыка, егда храмъ, во имя твоѣ созданный, от потопленія водами речными дивно спасъ еси, струямъ потока в недра земная устремитися повелѣвый; еже видя блаженный





Архїпп с духóвными чады своїми, благодарне к тебѣ возопї:

Рáдуйся, святých храмов Бóжиих несокрушїмая оградо; рáдуйся, врагóм вѣры Христóвы необорїмая преградо.

Рáдуйся, егóже велѣнию стихїи покоряются; рáдуйся, їмже вси злóбнии замыслы сокрушаются. Рáдуйся, вѣрным рáдость от Престóла Вседержїтеля износящий; рáдуйся, невѣрных на стезю прáвды и їстины приводящий.


Рáдуйся, Михай́ле, вели́кий Архистрати́же, со всі́ми Небѣсными Сїлами.

Кондак 8.

Стрáнное чúдо сїлы твоея, Архистрати́же Бóжий, увѣде на себѣ Авваку́м, егда по ма́нию Бóжию восхитїв, принѣсл есї егó скоротѣчне от Иудѣи в Вавилóн, дáти пїщу Даниїлу, в рóве со львѣи заключѣну; тѣмже удївлься превелї́кому дѣйствию сїлы твоея, возопї с вѣрою: Аллилу́иа.

Икос 8.

Весь есї в вѣшних, Михай́ле, Престóлу Царя́ Славы предстояй, не далѣк еси и от нїжних, рáтуя вѣну со врагáми спасѣния человѣческаго; тѣмже вси, вожделѣннаго Отѣчества Небѣснаго достїгнути хотя́щи, согласнó тебѣ зовут:





Рáдуйся, начальниче трисвята́го а́нгельскаго пéния; рáдуйся, земно́родных прѣсно гото́вый предста́телю и хранѣтелю.

Рáдуйся, прегóрдаго фараóна с неверными егѣптяны порази́вый страннообра́зно; рáдуйся, ве́рныя иудѣи путево́дѣи в пусты́ни пресла́вно.

Рáдуйся, ѣмже угасѣя пла́мень пещи́ вавилóнскаго.


Рáдуйся, Михаѣле, вели́кий Архистрати́же, со все́ми Небе́сными Сѣлами.

Кондак 9.

Всѣ ѣноцы Святы́я Горы́ Афóнскаго в рáдостный трéпет приидóша, ви́дяще, ка́ко богобоя́зненна óтрока, неѣстовно от нечестѣи́вых златолю́бцев во глубинú морску́ю с ка́мнем по́вержена, спáсл есѣ; те́мже приѣвшая е́го обѣтель, ѣменем твоѣм красóующися, благода́рне взывáет ко Гóсподу: Аллилу́иа.

Икос 9.

Ветѣи глаго́лы и любомóудров смѣслы не довле́ют ко изглаго́ланию сѣлы твоеѣ, Михаѣле, ка́ко во е́ди́ну но́щь сто óсьмьдесят и пять ты́сящ порази́л есѣ от во́ев царѣ́ ассирѣйска Сennaхи́рма, да нака́жется прóчее не хули́ти Имя Гóсподне; мы же, почита́юще святу́ю ре́вность твою́ о сла́ве Бóга Ёстиннаго, с весе́лием зове́м ти сѣце:





Ра́дуйся, правосла́вных во́инств непобеди́мый
воево́до; ра́дуйся, злове́рных ра́тей стра́х и низ-
ложе́ние.

Ра́дуйся, пра́выя ве́ры и богопочита́ния
насади́телю; ра́дуйся, душевре́дных ересей и
раско́лов искорени́телю.

Ра́дуйся, благочестивы́я Маккаве́и на по́ле бра́ни
мно́гажды укрепивы́й; ра́дуйся, нечестива́го во-
ждя́ Антио́хова Илиодо́ра в са́мом хра́ме пора-
зи́вый.

**Ра́дуйся, Михаи́ле, вели́кий Архистрати́же, со
все́ми Небе́сными Си́лами.**

Кондак 10.

Спасти́ся хотя́щим нам бу́ди помо́щник тверд,
Архистрати́же Бо́жий, избавля́й и храня́й нас от бед
и напа́стей, па́че же от злых на́выков и грехо́в на́ших,
да преспева́юще в ве́ре, наде́жде и любви́ Христо́ве, с
ра́достью о предивнем заступле́нии твоём ко Влады́ще
А́нгелов и челове́ков благода́рне зове́м: **Аллилу́иа.**

Икос 10.

Стена́ еси́ ве́рующим челове́ком, Архистрати́же
Бо́жий, и сто́лп кре́пок во бра́нех со врага́ми ви́ди-
мыми и неви́димыми; сего́ ра́ди от сетей бесо́вских
тобо́ю избавля́еми, благода́рным се́рдцем и усты́ зо-
ве́м си́це:





Ра́дуйся, враго́м ве́ры и сопроти́вником Святы́я Цѣркве непобеди́мый противобо́рнице; ра́дуйся, смире́нным провозвѣстником Ева́нгелиа неуто́ми́мый споспѣшнице.

Ра́дуйся, во тьме злове́рия сидя́щих све́том ве́ры Христо́вы просвеща́яй; ра́дуйся, лжемудрием объору́девших на стезю́ и́стины и покая́ния наста́вляяй.

Ра́дуйся, гро́зный отмсти́телю клену́щимся И́менем Бо́жиим все́; ра́дуйся молниеносный кара́телю глумя́щихся безу́мне о та́инствах святы́я ве́ры.


Ра́дуйся, Миха́йле, вели́кий Архистрати́же, со все́ми Небе́сными Си́лами.

Кондак 11.

Пе́ние всякое хвале́бное побежда́ется мно́жеством чудес твои́х, Архистрати́же Бо́жий, я́ко соверше́на су́ть тобою́ не то́чию на небеси́ и на земли́, но и в те́мных се́нех преиспо́дней, иде́же глубинна́го зми́я связа́л еси́ уза́ми си́лы Госпо́дней, да избавля́емии от зло́бы его́ благосло́вят Влады́ку небесе́ и земли́, зову́ще: **Аллилу́иа.**

Икос 11.

Светоно́сный служи́тель и́стины и чистоты́ богопочита́ния яви́лся еси́, Архистрати́же, егда́, прови́дя





кóзни дýха тьмы, воспретíл есѣ е́му́ И́менем Бóжи-
им, да не дерзнёт сокровѣнное тѣло почíвшаго вождя́
Изра́илева Моисѣа явѣти ко обожѣнию чýственным
сы́новом Изра́илевым; сегó рáди, чтýще ны́не благо-
свѣтлый собóр тво́й, благодарне вопи́ем ти:

Рáдуйся, чистоту́ боговѣдения во дни Вѣтхаго За́вета
средѣ иудѣев сохрани́вый; рáдуйся, плѣвелы
зablуждѣний во дни Но́вья Благода́ти мно́гажды
искорени́вый.

Рáдуйся, язы́ческих прорица́лиц и куміров
истребі́телю; рáдуйся, христиа́нских подви́жни-
ков и страсотѣрпцев укрепі́телю.

Рáдуйся, немощны́я дýхом сі́лою благода́ти
Бóжия исполня́й; рáдуйся, изнемога́ющия
плóтию всеору́жием вѣры облека́й.

**Рáдуйся, Михаі́ле, вели́кий Архистрати́же, со
все́ми Небѣсными Сі́лами.**

Кондак 12.

Благода́ть от Бóга с небесѣ испросѣ́ нам, пою́щим
во сла́ву всечестна́го і́мене твоегó, Михаі́ле, да, осе-
ня́еми твоѣм заступлѣнием, во вся́ком благочѣстии и
чистотѣ поживѣ́м, дóндеже, отрешѣ́ннии смѣ́ртію от
уз плóти, сподóбимся предстáти огнезрáчному Пре-
стóлу Царя́ сла́вы и с лі́ки А́нгельскими возопі́ти:
Аллилу́иа.





Икос 12.

Поюще многообразная твоя чудеса, Михайле, во спасение наше содеянная, молим Господа и Владыку всяческих, да дух ревности по славе Божией, иже в тебе, николиже оскудеет и в нас, зовущих ти сие:

Радуйся, верных рабов Божиих во время благо-
потребно на высоту власти предивно поставляя;
радуйся, продерзых и недостойных с высоты
силы и славы незримо низлагая.


Радуйся, в день последний избранных от четы-
рех концов земли имеяй собрати; радуйся, имже
грешныя, яко плевелы, по гласу Божию огню
вечному преданы будут.

Радуйся, имже сатана со ангелы его во озеро
огненное на веки повергнется; радуйся, имже
праведнии во обителях Отца Небеснаго преслав-
не водворяются.

**Радуйся, Михайле, великий Архистратиге, со
всеми Небесными Силами.**

Кондак 13.

О пречудный Архангелов и Ангелов начальниче,
за предивное служение твое спасению рода
человеческаго прими от нас возносимый к тебе
ныне глас хвалы и благодарения, и, яко исполнь силы
Божией, покрый нас невестественными крилома





твоѣма от всех враг вѣдимых и невѣдимых, да прославляемому тобою и прославившему тя Гѡсподу вѣну зовѣм: **Аллилуѣа.**

Этот кондак читается трижды.

Икос 1.

Яко а́нгельских огнезр́ачных ли́ков предстоятеля, а́нгельскими у́бо и языки подобáше восхвалѣти тя, Михаѣле; но дѡндеже вразумляемии тобою навѣкнем безплѡтных глаго́лом, услы́ши, а́ще и от челове́ческих, обáче благодарных устен, сицевáя:

Ра́дуйся, звездѡ мѣра первообра́зная; ра́дуйся, свещѣ ѣстины и правды златозáрная.


Ра́дуйся, лучей свѣта несозданнаго пѣрвый во а́нгельских ликостоя́ниях приѣмниче; ра́дуйся, А́нгелов нача́льниче.

Ра́дуйся, в нем же наивя́ще светле́ется сла́ва Творческия Десни́цы; ра́дуйся, ѣмже красуются собо́ры всех сущѣств безплѡтных.

Ра́дуйся, Михаѣле, вели́кий Архистрати́же, со все́ми Небѣсными Сѣлами.

Кондак 1.

Избранный Небѣсных Сил воево́до и ро́да челове́ческаго заступниче, си́е тебѣ, ѣже тобою от скорбных избавляемии, благодарственное прино́сим пѣние; ты же, я́ко предсто́й Престо́лу Царя́ Сла́вы,





от всяких нас бед свободдай, да с верою и любовию
в похвалу тебе зовем:

**Радуйся, Михайле, великий Архистратиге, со
всеми Небесными Силами.**


МОЛИТВА.

Святый и великий Архангеле Божий Михайле, неисповедимыя и пресущественныя Троицы первый во Ангелех предстоятелю, рода же человеческого приставниче и хранителю, сокрушивый с воинствы своими главу прегордаго Денницы на небеси и посрамляяй вину злобу и коварства его на земли! К тебе прибегаем с верою и тебе молимся с любовию: буди щит несокрушим и забрало твердо Святей Церкви и Православному Отечеству нашему, ограждая их молниеносным мечем твоим от всех враг, видимых и невидимых. Не остави же, о Архангеле Божий, помощь и заступлением твоим и нас (имя), прославляющих днесь святое имя твоё: се бо, аще и многогрешнии есмы, обаче не хощем в беззакониях наших погибнути, но еже обратитися ко Господу и оживленным быти от Него на дела благая. Озари убо ум наш светом лица Божия, иже вину сияет на молниевиднем





челё твоём, да возмóжем разумёти, что есть во́ля Бо́жия о нас, благáя и совершенная, и вёдети вся, яже подобáет нам творíти и яже презира́ти и оставля́ти. Укрепí благодáтию Госпóднею сла́бую во́лю и немощно́е произво́ление на́ше, да, утверди́вшись в за́коне Госпóднем, престáнем прóчее вла́тятся земны́ми по́мыслы и похотёнии плóти, увлека́ющиеся по подóбию несмы́сленных дете́й скороги́бнущими красóтами ми́ра сегó, яко ра́ди тлénнаго и земна́го безúмне забывáти вéчная и небéсная. Над все́ми же сíми испросí нам свýше дух ýстиннаго покая́ния, нелицемерную печáль по Бо́зе и сокруше́ние о гресéх на́ших, да остаю́щее нам число́ днй вре́меннаго живота́ на́шего иждивём не во угождéнии чýств и рабóте страстём на́шим, но во изглаждéнии зол, содёянных на́ми, слезáми вёры и сокруше́ния сердéчнаго, по́двигами чистоты́ и святýми дела́ми милосёрдия. Егда́ же прибли́зится час окончáния на́шего, освобождéния от уз брénнаго сегó телесé, не оста́ви нас, Архáнгеле Бо́жий, беззащíтных протíву духóв злóбы поднебéсных, обы́кших преграждáти душе́ челове́честей восхóд в Гóрняя, да, охраня́еми тобо́ю, безпреткновённе достíгнем óных преслáвных селéний райских, иде́же несть печáль, ни въздыхáние, но жízнь безконéч-





ная, и, сподобльшеся узрѣти пресвѣтлое лицѣ Все-
благáго Гóспода и Влады́ки нáшего, пáдше со сле-
зáми у ног Егó, в рáдости и умилѣнии восклѣкнем:
слáва Тебѣ, дражáйший Искупѣтелю наш, Ёже за
премно́гую любóвь Твою́ к нам, недостóйным,
благоволи́л еси́ послáти А́нгелы Твоя́ в служѣние
спасѣнию нáшему! Амѣнь.



Величание Небесным Силам Бесплотным:

**Велича́ем вас, / Арха́нгели, и А́нгели / и вся
Во́инства, / Херуви́ми и Серафи́ми, // сла́влящи
Го́спода.**

